



Republika e Kosovës
Republika Kosova/Republic of Kosovo
Komuna Dragash/ Opština Dragaš/Dragas Municipality
DREJTORIA KOMUNALE PËR ARSIM



Nr. Prot: 13/721
Datë: 27.10.2025

Duke u bazuar në dispozitat e Nenit 62, Paragrafit 62.3 të Ligjit Nr.037L-040 për Vetëqeverisjen Lokale, Nenet 13 dhe 14 të Rregullores për Kushtet, Kriteret dhe Procedurat e Ndarjes së Subvencioneve Komunale 01 Nr.060/01-31587/1 i dt. 24.12.2019, drejtori i Drejtorisë për Arsim shpall:

K O N K U R S
PËR NDARJEN E BURSIVE PËR STUDENTËT E KOMUNËS SË
DRAGASHIT

I. Komuna e Dragashit ndan bursa për studentët e Komunës së Dragashit që studiojnë në universitetet publike për vitin akademik 2025/2026.

II. Të drejtë aplikimi kanë vetëm studentët e rregullt të universiteteve publike të Republikës së Kosovës që janë banorë të Komunës së Dragashit, pa kurrfarë dallimesh etnike, gjinore, racore, fetare dhe politike, duke përfshirë studentët në studime pasuniversitare - master dhe doktoraturë.

III. Kushtet e përgjithshme

1. Bursat komunale ndahen për studentët e rregullt të Komunës së Dragashit të nivelit të studimeve themelore (baçelor) në universitetet publike në Kosovë;
2. Të ketë të regjistruar vitin akademik për të cilin jepet bursa;
3. Të mos jenë përfitues të bursës nga Universiteti apo Ministria e Arsimit;
4. Të mos jenë përsëritës të vitit akademik;
5. Të mos jenë absolut;
6. Të mos jetë në vitin e parë të studimeve.

IV. Kushtet e veçanta

1. Nota mesatare prej 9-10 në fakultete - (25) pikë;
2. Nota mesatare prej 8-9 në fakultete - (20) pikë;
3. Nota mesatare prej 7-8 në fakultete - (15) pikë;
4. Nota mesatare prej 6-7 në fakultet – (10) pikë;
5. Studentët me asistencë sociale vlerësohen me (20) pikë;
6. Studentët që studiojnë në lëndët deficitare vlerësohen me (15) pikë;
7. Ai/ajo që studion së bashku me një anëtarë tjetër nga e njëjta familje vlerësohet me (10) pikë (anëtari i familjes duhet të jetë student/e i/e universiteteve publike);
8. Ai/ajo që nuk i ka prindërit në jetë, vlerësohet me (10) pikë;
9. Studentët me nevoja të veçanta vlerësohen me (10) pikë.

Vëmendje: Kriteret e veçanta sipas pikës (7) vlerësohen vetëm për një student të asaj familjeje dhe vetëm nëse dëshmon me dokumentacion zyrtar se të gjithë studentët e asaj familjeje i plotësojnë kriteret e përgjithshme. Në kushtet dhe kriteret e njëjta të përcaktuara më sipër, do t'u jepet përparësi studentëve të familjeve të dëshmorëve, të viktimave civile të luftës, të veteranëve, të invalidëve të luftës dhe gjinisë femërore.

V. Dokumentacioni i nevojshëm për aplikim

Studentët të cilët i plotësojnë kushtet nga pika tre (III) e këtij konkursi duhet t'i paraqesin këto dokumente:

1. Aplikacioni sipas formës së Komunës (kërkesën për aplikim dhe fletëparaqitjen);
2. Dokumenti i identifikimit;
3. Kopja e ID-së së studentit;
4. Vërtetimi se studenti ka regjistruar vitin akademik 2025/2026 (origjinale);
5. Certifikata e notave (origjinale);
6. Vërtetimi që studenti nuk është përfitues i bursës nga Universiteti apo Ministria e Arsimit (origjinale);

7. Deklarata e bashkësisë familjare;
8. (Certifikata) Ekstrakti i lindjes;
9. Për anëtarin e ngushtë të familjes së dëshmorëve edhe Martirëve, Invalidëve të Luftës dhe Veteranëve të Luftës:

(Vendimi/Vërtetimi se është anëtar i ngushtë i familjes së dëshmorëve);

10. Për anëtarin e ngushtë të familjes në asistencë sociale:

(Vendimi/Vërtetimi që dëshmon se aktualisht është shfrytëzues i ndihmës sociale (origjinale);

11. Për studentët me nevoja të veçanta:

(Vendimi/Vërtetimi zyrtar nga Ministria e Punës dhe Mirëqenies Sociale)

12. Për studentët pa prindër:

(Certifikata e vdekjes së prindërit)

Vërejtje: Dokumentet e pakompletuara dhe ato të dorëzuara pas afatit zyrtar nuk do të shqyrtohen!

Shuma e bursës do të përcaktohet varësisht nga numri i përfituesve të bursave.

VI. Komisioni Vlerësues

Për përzgjedhjen e përfituesve të bursës komunale Drejtoria për Arsim në Dragash e formon Komisionin për Shqyrtimin e Kërkesave për Ndarjen e Bursave dhe, pas mbylljes së afatit të konkursit, ky Komision e kryen procesin e shqyrtimit të kërkesave dhe e harton raportin e punës, të cilin me rekomandime përkatëse ia përcjell Kryetarit të Komunës për miratimin e vendimeve për ndarjen e bursave. Kandidatëve të cilëve iu ndahet bursa, për kushtet e shfrytëzimit do të nënshkruajnë kontratë të veçantë, ku do të precizohen kushtet, obligimet dhe detyrat e dyanshme.

VII. Afati dhe mënyra e aplikimit

1. Konkursi i bursave mbetet i hapur 15 ditë nga data e publikimit më dt. **27.10.2025** deri më **10.11.2025**;
2. Formulari i aplikimit për bursa merret në zyrat e DKA-së në objektin e DKRS-së në Dragash, nga ora 10:00 - 15:00;

3. Aplikimi dhe dorëzimi i dokumenteve bëhet në zyrat e DKA-së në objektin e DKRS-së në Dragash, nga ora 10:00 - 15:00.

VIII. Afati i ankesave

Studentët të cilët konsiderojnë se kanë pasur të drejtë përfitimi të bursës komunale dhe nuk janë përfshirë në listën e studentëve përfitues të bursës, kanë të drejtë ankese në afat prej 48 orësh pas ditës së publikimit të listave. Ankesat duhet të dorëzohen në zyrat e DKA-së, në ndërtesën e DKRS-së Dragash. Vendimi do të publikohet në tabelat e shpalljeve të DKA-së dhe në uebfaqe e Komunës së Dragashit.

Drejtori i Arsimit

Zeni Krasniqi
